



Ali Lokaj i ostali uhapšeni u akciji Oskar u drž

NEGIRALI KRIVICU ZA DROGE U BiH

Lokaj, Nijazi Muharemi i Ag Mehović na izdržavanju i Nermin Planinčić i Vahidir

Ali Lokaj, zvani Aga i Aljo (1957), rođen na Kosovu, Nijazi Muharemi, zvani Tiki Kiki (1963), rođen u Tetovu, Agim Eljšani, zvani Agi i Gimi (1963), rođen na Kosovu, a nastanjen u Bihaću, Vidak Milić (1950) iz Zvornika, Hakija Mehović (1961), rođen u Boru, Nermin Planinčić (1976) i Vahidin Dobrača (1986), uhapšeni u akciji Oskar, a potom optuženi za organizovani kriminal i šverc droge, pred Šabanom Maksimićem, sudijom za prethodni postupak Suda BiH, izjasnili su se da nisu krivi.

Transporteri i čistači

Milić, Planinčić i Dobrača brane se sa slobode, dok su Lokaj, Muharemi i Eljšani u pritvoru, a Mehović na izdržavanju kazne od pet godina i 10 mjeseci, na koliko je osuđen u drugom predmetu.

Alija Lokaja optužnica tereti da je od jula do polovine decembra 2014. u sedam navrata organizovao i rukovodio grupom u kojoj su bili Eljšani, Muharemi, Mehović, Planinčić i Dobrača, te druge osobe kao što su Jašaraj Gani, Murat Hadergjonaj, Zoran Stefanović, Vladislav Vasić, Jugoslav Savić, Denis Jašić, izvjesni Ado i Nusko. Grupa je organizovana radi prenosa, držanja, posredovanja u daljoj međunarodnoj prodaji heroina i skanka. Tu drogu su iz Makedonije, Srbije i sa Kosova prenosili u BiH.

U optužnici se navodi da su heroin iz Srbije miješali sa drugim supstancama i prodavali u BiH i Srbiji, te najčešće koristili šifrovane termine koji su označavali vrstu, količinu i cijenu droge, kao i mjesto i vrijeme susreta radi preuzimanja i isplate novca za kupljene narkotike.

Ovoj grupi se na teret stavlja da je u više navrata prokrijumčarila oko 2,5 kg heroina, 1,5 kg skanka, te 400 grama smjese za miješanje sa drogom radi povećanja njene mase.

Tako je u julu 2014. Lokaj orga-



Sa privođenja osumnjičenih u prostorije SIPA



nizovao nabavku, transport i prodaju heroina i skanka sa Kosova u BiH. Potom su Muharemi, u svom golfu A3 (E71-A-124), i Hadergjonaj, u svom mercedesu (E60-T-828), otišli na Kosovo, gdje su, prema Lokajevim telefonskim uputstvima, preuzeli heroin od pola i jednog kilograma, te 1,5 ki-

SVJEDOCI I VJEŠTACI Uz optužnicu predloženo je ispitivanje 11 svjedoka i pet sudskih vještaka, te je priložen obiman dokazni materijal

lograma skanka. Drogu su prevezli u BiH i predali je Lokaju koji ju je skrivao u jednom od iznajmljenih stanova u naselju Tibra - Stup. Lokaj je potom kontaktirao Eljšanija u Bihaću koji je angažovao Jašarija Ganija i poslao ga u Sarajevo. Gani je Lokajev heroin miješao u nekom od iznajmljenih stanova, nakon čega je oko 700 grama heroina je transportovano u Bihać.

Lokaj je 12. jula 2014. putem telefona kontaktirao sa Adom iz Novog Pazara i dogovorio isporuku 680 grama heroina. Kao transporter je angažovan Zoran Stefanović, koji je golfom II drogu doveo u Zvornik, a potom je Vidak Milić prenio u čamcu preko Zvor-

ničkog jezera. Stefanović je u Srbiji preuzeo drogu i krenuo ka Loznici, gdje su ga zaustavili srbijanski policajci i uhapsili.

U novembru 2014. Lokaj je, prema optužnici, tri puta organizovao prodaju heroina sa Adom iz Novog Pazara. Prvo je ugovorio prodaju 400 grama heroina za 500 eura. Transporteri su bili Vasić i Savić, koji su peugotom 607 došli u Sarajevo po drogu i odvezli se u Bijeljenu. Odatle su uz pomoć Dragana Radića u čamcu preko Drine kod Donjeg Šepka prevezli drogu u Srbiju. Zatim su se Vasić i Savić vozilom uputili u Vojvodinu, ali ih je u Šapcu uhvatila policija. Istog mjeseca Lokaj je sa Pazarcem Adom ponovo organizovao kupoprodaju droge. Tada je angažovan izvjesni Nusko koji je drogu autobusom prevezao u Srbiju i predao Adi. Treći put drogu je prenio Planinčić, dok je Lokaj išao ispred njega kao "čistač", a četvrti put tog mjeseca organizovao je trgovinu skanka. Prvo je 1,5 kg skanka predao Planinčiću, koji je drogu čuvao u Lješevu kod Ilijaša. Potom je Dobrača u dva navrata od Planinčića uzeo po pola kilograma skanka i odnio ga u Livno, te prodao Darku Pervanu. Lokaj je za ovaj posao dobio određenu naknadu.

Misteriozni nestanci

Uz optužnicu, koja je potvrđena 7. maja, predloženo je ispitiva-

Page: 10

Reach: 0

Country: BOSNIA AND HERZEGOVINA

Size: 608 cm2

2 / 2

javnom Sudu

ŠVERC

**gim Eljšani u pritvoru, Hakija
kazne, dok se Vidak Milić,
i Dobrača brane sa slobode**



nje 11 svjedoka i pet sudskih vještaka, te je priložen obiman dokazni materijal sa više od 112 dokaznih materijala i dokumenata. Pretresima je pronađeno i privremeno oduzeto oko 969 grama heroina i određena količina paracetamola i kofeina, koji su služili kao smjesa za miješanje sa heroinom radi uvećanja mase.

Na jednom od prethodnih ročišta tužiteljica Diana Kajmaković je rekla da je Lokaj "tretiran u nekoliko predmeta", te da je prilikom prethodnih akcija SIPA na misteriozan način nestajao kad bi trebao biti uhapšen. Nakon pretposljednog pokušaja hapšenja, Lokaj se godinu i po krio na Kosovu, a potom vratio u BiH.

Od jula 2014. u sklopu akcije Oskar primjenjivane su posebne istražne radnje, te su praćene telefonske komunikacije između osumnjičenih i drugih osoba koje su bile pod istragom. Razgovori su vođeni na albanskom jeziku i tom prilikom inspektori SIPA saznali su da četvorica osumnjičenih hoće da u dogovoru sa petoosumnjičenim Vidakom Milićem, preko Drine, prošvercuju dva kg heroina.

Podsjetimo da je u akciji Oskar pretreseno 10 lokacija, privedeno osam osoba te ukupno zaplijenjeno 1.050 grama heroina i 800 grama smjese za miksanje, te drugi predmeti koji mogu poslužiti kao dokaz.

D. PAVLOVIĆ